

武英殿聚珍版丛书

天

地

人

物

事

理

法

道

文恭集卷十三

宋

胡

宿

撰

外制

葛宗古可內殿承制制

敕具官某緒惟將闕班在禁墀出護營兵西遮隴道奉
上惟謹率下有方自白年勤實中勞典稍進承于中制
尚留過于外虞勤就朝榮益宣武幹

劉吉可內殿承制制

敕具官某少勵敏資服從煩使積諸勞最班于禁嚴屬

觀請老之章求援攷課之法不令遺力亦使寵歸進承
中制之聯往服稍遷之渥

劉仁用可內殿承制制

敕具官某嶺服之外窟穴黎庶皆在朕臨覆之下往時
小醜亦嘗跳梁山谷勤兵遠戍蓋不可廢爾居警邏之
任識拊循之方善遏士兵不擾蠻蜚封略粗定監司來
言用旌外勞進承中制爾其務安遠俗取稱吾恩

王文思可內殿承制制

敕具官某廸知武經擢任軍事參典中涓之謁往制樓

煩之衝式遏外虞亶無遺力嘉覽帥臣之薦進承制旨之音秩峻殿墀寄深邊部勉思忠果取稱寵嘉

鄭可度可內殿承制制

敕具官某籍在廷臣名有力局數被乘輅之委靡辭馳隰之勞參幹事經淹移年序因其齎伐推以陟恩用升近陞之聯且視外朝之品益圖勤瘁用對寵靈

王知信可內殿承制制

敕某定爲勁兵之處扼北道之衝爾監軍屯歲上官伐拊循控帶頗適厥宜強敏恪廉復寡尤悔通稽成課參

合陟文稍用次遷進承中制就虔朝渥尚勉武經

凌瑜可內殿承制制

敕某階食德之舊服禁塗之近繼銜使指綽有才資往
筦列城之酤來上宿官之伐歲序勤止迹狀信然敘進
內聯參承中制尚緊幹局之敏勿忘率履之勤

孫惟忠可內殿承制制

敕某籍著殿中班禁嚴之地任居寰內提警邏之兵驅
馳累年肅清所部參舊勤而自列用攷法而當遷宜峻
墀塗進承音制尚謹寇偷之視無失士兵之和

李琦可內殿承制制

敕某朕以春秋之法責于外家以漢氏之恩拜其諸子以爾居然秀挺資以粹溫服在禁塗之華蔚彰戚畹之令勳疇前課稍進內聯方之常均猶以未稱宜入承于恩制差用峻其資名往虔儀品之勞益效風訓之美

陳文壽可內殿承制制

敕某早以修謹預參內侍復以開敏典治劇事近以營禁庭之別殿奉列聖之粹容主作有勞落成不日宜伸旌陟以寵幹能超承中制之聯對視外朝之品茲爲異

渥尚勵勤成

李評可內殿承制制

敕某夫外戚之地多徇紛華而和文之庭雅尚名教以爾承祖德之茂習父教之忠不雜貴游克蹈訓行近緣貴主之請稍進禁塗之聯俾漸邇于威顏益遷承于音制往修勝業以對褒章

李永恭可內殿承制制

敕某天水疆藩西遮隴道羽林積弩分屯勁兵爾出監連營且隸帥府驛上勞最朝案計書戎政頗脩軍法應

賞宜自近班之峻入虔中制之承尚加撫循以對旌陟

夏偁可內殿承制制

敕某秦官謁者典賓贊之儀唐制攷功校宜納之最必
辭令之尤練與容範之交修乃可以進服邇聯通承中
旨以爾習知儀式綽有才資早參上閤之嚴久侍大廷
之祕善于音吐恪在詔傳有嘉累稔之勞兼賞寡尤之
履稍遷近職敘正美名尚最乃修勿懈于素

李繼明可內殿承制制

敕某蔚有世資敏于力局典司中謁領護外屯習辭令

而精明治符籙而肅給積勞累稔大比應條稍遷音制
之承尚倚軍和之董益思訓厲用稱褒優

王懷德可內殿承制制

敕某惟秦中之雄扼隴上之要號曰勁兵之處分領盛
秋之防爾提支兵介在遠壁仍關縣邑之治頗得羌戎
之和列上勤庸覆中攷格宜進承于音制尚就委于屯
防無忽稍遷有以自效

麥承信可內殿承制制

敕某河蕃衍溢害中國者舊矣爾以力致之敏更材使

之煩繕完疆隄習知水行雖故道未復而別都訖寧留
司以聞勞勗當陟進承中制升視外朝勿廢前勤姑續
來效以對我褒遷之寵也

王仲平可內殿承制制

敕某爾以辭令之習典吾謁者之任以戎事之練護乃
外兵之屯亦用使材出將王命得專對之體有載馳之
勞還露封章前援比例夫賞國之典也舉不越功而忠
是圖吾賞何愛中制之選親承音旨有以自效無忽我
褒遷之典

劉永可殿中丞制

敕某以膚敏之材資潔慎之性束脩無缺莅任有方加
駕倅車關掌列郡協宣臺禮之厚導致海沂之康休有
勤庸稽合褒典進丞盾省之秘尙委屏星之嚴雖曰稍
遷勿忘欽率

方安石可殿中丞制

敕某國家以大比之法攷庶功之能計勞以遷于賞爲
懋以爾濟世德之美習吏資之敏領邑寰內著績官下
因歲成以報政按治狀而應書擢升內盾之華班尙寄

西畿之劇邑勉條終課取稱茂思

盧詠可殿中丞朱仲元可大理寺丞制

敕某等進官以經術臨履有操尚或累預諸侯之選宜
無悔尤或再終百里之更具有功次積勤可尚攷法宜
遷超丞盾署之華進備理官之屬用旌勞最亦振滯淹
服我茂恩勉而來效

李從善可殿中丞趙沐可太子中舍人制

敕某等承籍世資參服官使比更郡邑之任咸聞節素
之脩官下政成臺中課集參稽弗謬擢敘是宜用丞盾

省之聯兼備儲坊之案益思慎履無忝褒恩

呂湜可殿中丞楊極高良佐竝可太子中舍人制
敕某等或進繇經明或仕以蔭入彙從智效竝用法遷
擢承京司典治刑讞外稽出納之令對宣宰字之條局
以幹聞政用勤著參稽成課進懋陟恩優以中盾之聯
預于儲禁之案始陪朝拱尙服官箴

王希顏可殿中丞盛行甫可大理寺丞王詢竝可
太子中舍人制

敕某等或憑藉蔭格或究研律學參承京局外握縣條

服在廉平訖無玷缺最凡所上鉤校弗疑進升盾省之
華擢預儲僚之選竝班朝著仍寄邑同勉思聿修有以
自效

張述任伯傳竝可殿中丞蘇盛項里周竝可太子
中舍人制

敕某等或早中臨軒之選或嘗籍舊門之資次補吏員
進丞京屬更試力局則牢盆之利甚饒分宰縣同則鳴
絃之政居最參稽來伐協應陟書對遷盾省之華竝寵
儲僚之秩益思自效無廢聿脩

周偕臧論道杜濟竝可殿中丞陸驤可著作佐郎

制

敕某等以才辭之華升預俊級以力局之敏進列京司
臨長遠服之民賦宜劇邑之譜剽治無壅控帶有勞吏
民便焉歲月勞止因稽齋伐之實竝從進秩之科丞盾
省者洵且華佐史觀者蔚然美咸自脩飭勿忝褒嘉

晏詹可殿中丞王康王允竝可太子中舍人
王獻臣可大理寺丞制

敕某等或出曲旃之家而才質自美或佩滿籛之諺而

術學素優入踐王官之華參從吏職之試剖盤根而輒
解甘藿食以自清驛上計文臺中攷法稍遷中尙之局
進預東禁之僚竝通朝閨亦丞卿讞咸在脩飭勿忝褒
升

魚周物王隣臣竝可殿中丞周端李格竝可太子
中舍人崔宗旦可大理寺丞制

敕某等官令著最臺賞有格汎取三期之效博勸庶工
之進爾等或得諸髦彥或奮自經術曷繇任吏之法擢
以讞丞之名簽盛府之元僚宰象雷之大邑咸著善狀